



Te Kura Kaupapa Māori o
NGĀ MOKOPUNA

4 Te Awanui o Falkirk, Maraenui
Te Whanganui-a-Tara 6022
waea: 04 380 8966

Imēra: tari@tkkmmokopuna.school.nz
Pae tukutuku: www.tkkmmokopuna.school.nz

Pūrongo Tumuaki
Hui Kaihautū / Hui Whānau

#47/2026-27
22 Paengawhāwhā 2026

Kaupapa	Kōrero
Ngā Tamariki	Nō te tīmatanga o tēnei wiki tonu, e 147 ngā tamariki kei tō tātou kura. E rua anō ka timata hei te wiki tuarima kia 149. Ko te whakapae, hei te paunga o te tau nei, e 163 kei kōnei ake. Tāpiri atu ki ērā ko te 27 kei Manawatū nā reira, a pepa nei, e 174 ngā tamariki kei te rārangi ingoa o Ngā Mokopuna i tēnei wā.
Kura Hou He mahi mā tātou te whānau	E ai ki a Holmes Construction Ltd: • He paku tōmuri tō rātou, ko te kawē atu i ngā paruparu paitini te take (asbestos) • He māia nō rātou ki te kī, ki te kore tētahi atu take e whakapōturi i a rātou, ka mutu tonu i te wā kua tohua e rātou (takiwā o te 19 Poutū te Rangi 2027) Mā tātou te whānau, anei ētahi TINO pātai: • Ko te aha te rā e pai ake ana ki te whakatūwhera i tō tātou kura? • Me whai pou pānui whai hiko kei waho i te tari? Ki whea? E hia ōna mata? Me whakairi rānei ki te taha o te whare? • Me pēhea te takotoranga o te kōti kei waho (30m x 17m te rahi) • Mā wai ngā kai e whakarite? Mā wai ngā kai e whakatakoto ake? • Me whakarite rā / pō kanikani rānei? • E hia ngā papa tākaro? Ki whea whakatū ai te mea tuarua?
Whare Tapere	Hei ngā rangi tata nei ka tukuna mai e te MoE ngā whakamahuki mō tā tātou Whare Tapere. Ka whakaatu atu ērā ki te Hui Whānau hei te wiki e tū mai nei. Ka hui anō te Ohu ki te MoE ki te whakahoki o tātou whakaaro ki a rātou e pā ana ki ngā hukihuki nei. Ka tū tērā hui hei te ata o te 4 o Haratua. Ko te manako ia, mutu ana te hanganga mai o ngā akomanga, ka tīmata wawe te hanganga mai o te Whare Tapere.
Ngā whakairo	Me aha tātou me ngā whakairo e iri ana ki Murirangawhenua? Me kawē atu ki te waharoa e whakahouhia ana, me kawē rānei ki te kuhunga hou, kei te kokonga o Forres me Falkirk?
Pūrongo Pūtea a Tau 2025	Hei te paunga o te marama nei tātou tuku atu ai a tātou pukapuka ki te ōtita. Ka āpiti atu ko ngā meneti 2025, te pūrongo a tau me te pūrongo NCEA. Ko te kitenga matua, he \$119,736 te toenga pūtea i tērā tau e ai ki te \$11,120 i whakapaetia ka toe mai.
Hōtaka HauWai me TRN	Kei te rapu tonu tētahi tangata, he ohu rānei ki te arahi i ēnei mahi ma tātou. Kua tukuna te nama tuatahi mō te kaupapa nei heoi, karekau tētahi e wātea ana ki te whakahaere i a ia. Ka rapu tonu.

Tūranga Mahi - Tautāwhi Tamariki	Kei te rapu tonu i tētahi tangata hei āwhina i ngā tamariki matea motuhake. Kua whiwhi pūtea tātou o Ngā Mokopuna ki te whai tangata nā reira, he tūranga 0.5FTTE mō te rua tau noa heoi anō, he āwhina nui tonu. Kei te wātea tēnei tūranga inaia tonu nei! He whakaraupapatanga mahi kua whakaritea e TRN mō te tūranga nei heoi, kei a tātou te mana ki te whakatau he aha āna tino mahi. He wānanga whakangungu ka tū hei te wiki e tū mai nei. Ko Te Marie kei te haere.
Taupānga AI	Kua tae ki te wā me whakarite tātou i tētahi kaupapa here e hāngai ana ki te whakamahinga o ngā taupānga AI - mā ngā ākonga. Kua kitea kētia e ngā kaiako wharekura e whakamahia ana e ētahi o ngā tamariki Wharekura heoi anō, kāore anō tātou te whānau kia kōrerotia. He aha ō koutou whakaaro? Ka kawe atu tēnei take ki te whānau whānui hei wānangatanga mā tātou.
Rā o Tūmatauenga	Ko te Rāhoroi e kainamau mai nei ko Te Rā o Tūmatauenga . Mō te hunga o Ngā Mokopuna whānau whānui e wātea ana, ka hui ki Te Papa (papa tuatahi) hei te 10am ki te waiata i ētahi o ngā waiata nō te wā o te pakanga me ngā waiata whakamaumahara ki te 28. Kia mōhio koutou e hoa mā, karekau he kura hei te Rāhina whai muri, te 26 o Paengawhāwhā.
Penihiini a Motu	Kāore anō tēnei kia rewa mai hei take mā tātou heoi, kei te āta mātakitakihia ana ngā nekehanga huri noa i te ao, i te motu anō hoki. Me whakarite kaupapa here?
Kākahu Kura - Wharekura	Mātua mā, i ngā wā ka mau ngā tamariki a rātou kākahu ōkawa, me ōkawa hoki ngā hū. Kāore e whakaaetia ngā momo hū hākinakina hei hū ōkawa. Kei te pai haere tēnei āhuatanga. Tēnā koutou mātua mā.
Hui a Tau TRN Taupō	He rawe te Hui a Tau o Te Rūnanga nui o ngā KKM o Aotearoa i tū ki Taupō i te 26-28 o Poutū te Rangi. Tēnā koutou te whānau mō tā koutou whakaae kia haere ngā kaiako, ngā kaimahi me ētahi onā whānau!
Pōtaetanga a te Tumuaki	Tēnā hoki koutou te whānau i tae a tinana atu ki Te Rau Karamu marae i tērā wiki mō taku pōtaetanga i Te Whare Wānanga o Te Kunenga ki Pūrehuroa. Poho kererū ana ahau ki te kite te tokomaha o koutou i tae atu. Hei te 5 o Haratua ka whakawhiwhia e Pāpā Manu Kawana i te Tohu Hōnore Tākuta hoki mō ana mahi i te ao Māori. Ka tū tērā ki Te Papaioea.
E Kainamu Mai Nei	
Rangahau Pitomata	I te tau 2023 i whakahaerehia e tātou tētahi rangahau a whānau e hāngai ana ki te nui, ki te iti rānei o te 'pitomata' o te kura me te whānau e whakatutuki ana i taua wā. I mahia ki tētahi o ngā wānanga aho matua o taua tau nā reira he ōpaki rawa te mahi me ngā kitenga. Heoi anō, he kitenga. Ko te hiahia ia, kia whakahaere tātou i tētahi anō rangahau pērā e ōkawa ake te kawenga.
E haere ana	
Wānanga Waiata	Kei te haere ēnei wānanga ki te ako waiata mā te whānau. He whakaritenga tēnei ki te tautoko i ngā akoranga a ngā tamariki, mō te whakatūwheratanga o tō tātou kura hou anō hoki. Ka haere ēnei wānanga mō te roanga o te tau.
Hanga whakaaturanga	Ko Meinga te rōpū e hangaia ana i ngā whakaaturanga e pā ana ki te hītori o te kura i roto i ōnā 32 tau. Ka rite ērā mahi katoa mō te whakatūwheratanga hei te tau e tū mai nei. Ko Whaea Kelly Te Paa tā tātou kaitiaki mō te kaupapa nei. Me he whakaahua a koutou hei koha atu, a tēnā, whakamōhiotia a Whaea Kelly.
Counselling	Ka timata anō ngā mahi a Whaea Claire Teal hei te wahanga e tū mai nei.

Services (Kaimātai Hinengaro)	He kaimātai hinengaro a ia nō Kōwhai Therapeutics. Ko te nuinga o āna mahi i te kura i tērā tau i te taha wharekura heoi, ki te pirangi tētahi whānau ki a ia mō tētahi tamaiti kura tuatahi, e taea ana. Karekau he utu ki tētahi whānau mō tēnei mahi, ko te kura ka utua. He pūtea kua tonoa mai e Te Rūnanga Nui o nga KKM o Aotearoa mō tēnei tū momo mahi. Ki te hiahia koe kia tae tō tamaiti ki a ia, whakapā mai.
He Kōhanga Reo kei te paerangi	Kei te whai tonu e māua ko Matua Reece Kōhatu, te whakaaro kia whakahokia mai te mana mō 11 Ventnor St, ki te tari mātauranga hei whenua mō <u>Te Kōhanga Reo o Ngā Mokopuna</u>. Ka whai whakautu i te MoE hei te wiki e tū mai nei.
Tirohanga Whakamua	
Rā whakamutunga 11/12/2026	Ko te rā whakamutunga o te tau mō ngā tamariki ko te 11 o Hakihea. Ko te mahi mō te rā whakamutunga, ko te tuku mihi ki ngā whare tawhito. He karakia, he mihi, he poroporoaki - katoa, katoa - i roto i te koanga ngākau. Ka mutu, ka kai tahi tātou. Ka kore e kitea anō i ēnei whare tawhito! Ka timata hei te 9am, ka mutu te kura hei te pouputanga o te rā (12pm).
Wiki Hākinakina 13-18/12/2026	Ko te Wiki Hākinakina mā ngā tamariki wharekura o ngā KKM aho matua o te motu ka tū ki Heretaunga hei te wiki whakamutunga o te tau. He wānanga reo, he wānanga hākinakina, he wānanga whanaungatanga te wiki ra. Ko tā tātou tira ka noho ki TKKM o Te Ara Hou, Ahuriri. Ka piri tonu ki TKKM o Te Rito, Ōtaki, ko Mokorito te ingoa. Ka wehe i te ata o te Rātapu (13/12) kia tae atu ki te pōhiri hei te 2pm. Ka hoki mai i te Rāmere (18/12).
Wehenga Tahī 2027	Ka tino rerekē te tīmatanga o te tau kura 2027 e hoa mā! Karekau pea he akomanga mā tātou nā reira kei te āta whakaaro te kāhui kaiako he aha pea hei mahi mā tātou i te tīmatanga tau. Me he whakaaro o koutou, mauria mai ki te hui whānau hei te wiki e tū mai nei. E tūwhera ana mātou ki ngā whakaaro katoa, ahakoa (pea) te whānui, te whāroa, te whāwaho!

Taunakitanga: Kia whakaaehia te pūrongo nei me ngā taunakitanga kei roto.

Moved:

Seconded:

Rāwiri Wright
Tumuaki